




IROMAG

Odlazni studenti



by IROUNMO

U OVOM BROJU

SKENDER KULENOVIĆ
WESTERN BALKANSHIP
LJETNA ŠKOLA
BIBLIOTEKARSTVA

MAŠINSKI FAKULTET

PSIHOLOŠKO
SAVJETOVANJE

ŠAHOVSKI KLUB

UNESCO je 8. septembar proglasio Međunarodnim danom pismenosti 1965. godine, s ciljem da se istakne važnost pismenosti za pojedince i društva. Prvo obilježavanje održano je 1967. godine. Na ovaj dan UNESCO podsjeća na globalni status pismenosti i obrazovanja odraslih.

Oko 775 miliona odraslih je nepismeno, pri čemu žene čine dve trećine tog broja. Takođe, 60,7 miliona dece ne pohađa školu, dok mnogi od njih školovanje prekinu. Prema UNESCO-ovom izveštaju, najniže stope pismenosti zabeležene su u južnoj i jugozapadnoj Aziji (58,6%), supsaharskoj Africi (59,7%) i arapskim državama (62,7%). Najniže stope pismenosti su u Burkini Faso (12,8%), Nigeru (14,4%) i Maliju (19%). Izveštaj ukazuje na povezanost između nepismenosti, siromaštva i predrasuda prema ženama.

SKENDER KULENOVIĆ

By IROUNMO

Skender Kulenovic rođen je 2. septembra 1910. godine u Bosanskom Petrovcu, gdje je završio osnovnu školu, a potom nakon naglog osiromašenja porodice (agrarna reforma) prelazi u majčino rodno mjesto Travnik gdje od 1921. do 1930. godine kao vanjski učenik pohađao Jezuitsku gimnaziju. U trećem razredu gimnazije javio se sa prvim književnim radom (soneti Ocvale primule). Od 1930. godine studira pravo na zagrebačkom sveučilištu. 1933. postaje član SKOJ-a, a 1935. KPJ. Srađuje u brojnim listovima i časopisima, a 1937. godine sa Hasanom Kikicem i Safetom Krupicem pokreće u Zagrebu muslimanski časopis Putokaz.

Dobitnik je brojnih nagrada i priznanja, između ostalih Dvadesetsedmojulske nagrade SRBiH (1971) i nagrade AVNOJ-a (1972). Bio je član SANU, ANUBiH i JAZU.

Umro je 25. januara 1978. godine u Beogradu.

Bibliografija:

Stojanka majka Knežopoljka, poema, 1945.; komedije (Djelidba, Večera, A šta sad?), 1947.; "Ševa", poema, 1952.; Soneti, 1968.; Divanhana, pripovijetke, 1972.; Gromovo đule, priče za djecu, 1975.; Ponornica, roman, 1977.

1941. godine stupa u Prvi partizanski odred Bosanske krajine. Član AVNOJ-a i ZAVNOBiH-a, Kulenović u ratu piše poeme, uređuje listove Krajiški partizan, Bosanski udarnik, Glas i Oslobođenje. Od 1945. do 1947. obavlja funkciju direktora drame Narodnog pozorišta u Sarajevu, uređuje Novo doba, Pregled, Književne novine i Novu misao. Od 1950. do 1953. sekretar je Narodne skupštine FNRJ, a poslije zabrane Nove misli je kažnjen i postavljen za korektora u Borbi. 1955. godine prelazi u Mostar na mjesto dramaturga Narodnog pozorišta, jedno vrijeme je i urednik u beogradskoj Prosveti



WESTERN BALKANSHIP – PRAKSA ZA STUDENTE

By IROUNMO

„Western Balkanship“ je pilot projekat koji finansira Ministarstvo vanjskih poslova i međunarodne saradnje Italije (MAECI) kroz Stalnu sekretariju Fonda jadransko-jonske inicijative (PS AII).

Forum AIC i UniAdrion su pozvani da implementiraju projekat koji će omogućiti studentima sa univerziteta u jadransko-jonskoj regiji da provedu tri mjeseca u prekograničnoj mobilnosti u odabranim kompanijama.

Implementacijski partneri (Forum AIC i UniAdrion) pružiće finansijsku podršku svakom odabranom studentu kako bi djelimično pokrili troškove života tokom perioda mobilnosti. Studenti će biti osigurani od civilne odgovornosti, povreda na radu i medicinskih troškova putem implementacijskih partnera.

Ciljevi ovog projekta su mnogobrojni: jačanje međunarodne saradnje između zemalja, promovisanje mobilnosti kroz strukturirane prekogranične programe, stvaranje novih mogućnosti zapošljavanja za mlade diplomirane studente, obezbeđivanje stručnog osoblja za kompanije i povećanje ekonomskog razvoja regiona.



MAŠINSKI FAKULTET

By IROUNMO

Studenti Mašinskog fakulteta Mustafa Puljarga i Benjamin Brekalo su zajedno sa vanrednim profesorom Emirom Nezirićem prisustvovali konferenciji pod nazivom "Hydropower in Europe : State of Play and Future Skills" u Briselu (Belgija), a u organizaciji COST akcije PEN@Hydropower. Studenti su ranije ove godine snimili videoklip na temu njihovog viđenja budućnosti hidroenergije, te su kao nagradu za snimljeni video dobili plaćene troškove putovanja i boravka na ovoj konferenciji. Učešće u snimanju videa uzela je i studentica Azra Kosović, koja nije prisustvovala konferenciji.



Na početku konferencije su studenti dali svoj osvrt na video, te diskutovali o svojoj budućoj ulozi u razvoju hidroenergije. U toku networking sesija u pauzama između panel diskusija i izlaganja studenti su imali priliku razgovarati sa brojnim akademskim radnicima i istraživačima iz Evrope koji se bave temom hidroenergije koji su studentima prenijeli interesantne savjete za vlastiti razvoj i prijedloge za buduću saradnju.

PSIHOLOŠKO SAVJETOVANJE

By IROUNMO


Psihološko savjetovalište Univerziteta "Džemal Bijedić" u Mostaru u akademskoj 2024/2025. godini nastavlja sa redovnim terminima i radom od 1.10.2024. godine.

Psihološko savjetovalište nudi besplatne usluge savjetovanja i podrške za sve studente Univerziteta „Džemal Bijedić“ u Mostaru s ciljem rješavanja ličnih, emocionalnih i akademskih izazova uz stručnu pomoć i podršku.

Psihološko savjetovalište je smješteno u prostorijama Studentskog doma Antalija.



PSIHOLOŠKO SAVJETOVALIŠTE



OBAVJEŠTENJE O RADU PSIHOLOŠKOG SAVJETOVALIŠTA

- Psihološko savjetovalište Univerziteta "Džemal Bijedić" u Mostaru u akademskoj 2024/2025. godini nastavlja sa redovnim terminima i radom od **1.10.2024. godine.**

TERMINI:

- Ponedjeljak (11:00 - 14:00 sati) | doc. dr. Dijana Ivanišević
- Srijeda (12:00 - 15:00 sati) | prof. dr. Semina Ajvaz

Termini u psihološkom savjetovalištu za studente su **BESPLATNI!**

SUNRISE

By IROUNMO

Univerzitet „Džemal Bijedić“ u Mostaru partner u projektu Europska alijansa univerziteta SUNRISE koji finansira Europska komisija

Europska komisija je odobrila ukupno 14,4 miliona eura za finansiranje u naredne 4 godine SUNRISE Europske Alijanse koju čine 9 europskih univerziteta: Technische universitaet Ilmenau, Njemačka, Libera universita di Bolzano (Italija), Wyzsza szkola informatyki i zarzadzania z siedziba w Rzeszów (Poljska), Universite de technologie de COMPIEGNE (Francuska), Malardalens Universitet (Švedska), Universita politecnica delle Marche (Ancona, Italija), Univerzitet „Džemal Bijedić“ u Mostaru (Bosna i Hercegovina), European University - Cyprus LTD, Instituto politecnico de Viana de Castelo (Portugal)

Ovih devet univerziteta podržalo je 48 pridruženih partnera. Pridruženi partneri iz Bosne i Hercegovine su: Federalno ministarstvo obrazovanja i nauke, Ministarstvo privrede HNK, Univerzitet u Bihaću, Sarajevo School of Science and Technology, BreakPoint d.o.o., Udruženje za poduzetništvo i posao LINK Mostar.

Univerzitet „Džemal Bijedić“ iz Mostara je jedini partner iz Bosne i Hercegovine u ovoj alijansi i jedini univerzitet iz FBiH čiju projektnu aplikaciju je u ovom pozivu Europska komisija prihvatila finansirati, zbog čega su na Univerzitetu jako ponosni, obzirom da se radi o do sada najambicioznijem i najambicioznijem projektu Univerziteta uz podršku Europske komisije.

„Projekat SUNRISE za Univerzitet je od velikog značaja, obzirom da su ciljevi projekta u skladu sa misijom i vizijom Univerziteta, te će osnažiti lidersku poziciju Univerziteta u odgovoru na sve društvene izazove, a posebno na trenutno aktuelne demografske izazove i izazove u oblastima digitalne transformacije i obnovljivih izvora energije. U saradnji sa partnerskim univerzitetima ćemo jačati vlastite kapacitete i dijeljenjem vlastitih resursa osnažiti kapacitete partnerskih univerziteta.“ istakla je rektorica Univerziteta "Džemal Bijedić" u Mostaru prof. dr Alena Huseinbegović.

POČETAK REALIZACIJE SAVREMENIH INFRASTRUKTURNIH PROJEKATA

By IROUNMO

U kampusu Univerziteta „Džemal Bijedić“ u Mostaru koji je smješten u Univerzitetskom sportsko-rekreativnom centru „Midhad Hujdur Hujka“ započela je prva faza realizacije više modernih i savremenih projekata koji imaju za cilj unapređenje infrastrukturnih resursa Univerziteta. Tačnije, realizacija se odnosi na dva značajna projekta u vrijednosti od milion i osamstohiljada konvertibilnih maraka (1.800.000 KM).

Prvi projekat predviđa renoviranje stare zgrade Univerziteta, odnosno zajedničkog prostora koji koriste skoro sve organizacione jedinice zbog čega je navedeni objekat od izuzetnog značaja za Univerzitet „Džemal Bijedić“ u Mostaru. O ovom i drugim projektima za naš portal govori rektorica Univerziteta „Džemal Bijedić“ u Mostaru prof. dr. Alena Huseinbegović.

Vrijednost projekta renoviranja stare zgrade iznosi 600.000 konvertibilnih maraka. Drugi značajan infrastrukturni projekat je renoviranje i modernizacija sportskih terena na Univerzitetu „Džemal Bijedić“ u Mostaru čija se vrijednost procjenjuje na milion konvertibilnih maraka, a koji će služiti za izvođenje nastave, te će imati rekreativnu ulogu, što znači da će iste moći koristiti studenti, zaposlenici Univerziteta, sportske ustanove i organizacije, ali i svi građani Grada Mostara.



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

